



*Minggu, 08 Oktober 2023*  
**Ogen: Obaja 1:15-16**



*Ukumen Si Terpagiten*



**R**usur gundari enda si begi hukuman mati nandangi pelaku kejahatan. Biasana itembak mati, igantung ras penjara seumur hidup. Tapi kepeken i bas jaman si nai lit pe nggo ukumen mate si lebih sadis ras mengerikan. Salah sadana ibelgang i bas lau ntah minak si luam ntahpe ikuliti hidup-hidup (mbue ilakoken nandangi kalak-kalak Kristen i bas jaman Romawi salah sadana Rasul Johannes pernah ngenanamisa tapi la mate).

Reh majuna zaman, maka mbue metode mengeksekusi kalak-kalak si ianggap penjahat umpamana i bas abad 19, ukumen kursi listrik, gas beracun pe jadi sada ukumen si mematikan. Tapi ndauh asa si e kerina, Tuhan pe pernah mereken ukumen si terpagiten asa si tersinget ndai. Tuhan pernah ngkernepken piga-piga bangsa, maka bangsa e lanai lit asa gundari. Salah sadana e me bangsa Edom. Kai si enggo ibahanna man bangsa Juda, seninana sierbahanca bangsa Juda desken nginem calung ukumen si pagit, maka ukumen man Edom terpagiten asangkan si inanami Juda. Nina Tuhan erkelangken nabi Obaja maka kenca inanamina ukumen si terpagitna, maka bangsa e pe lesap i bas doni enda nari.

Arah nas ta enda isingetken man banta maka ula sombong ntah meganjang ukur bagepe muat untung i bas kesusahen kalak. I bas tradisi kinitekenta labo lit ukum karma si lit e me ukum tabur-tuai. Kai sinisuan e ka nge pagi siperani. Adi sisuan Jong maka si perani pe jong ka. Suanken kiniulin maka siperani pe kiniulin ka. La terjeng sie megati kal geluh enda bagi si menterken boomerang (salah sada senjata tradisional suku Aborigin Australia), bage si benterken maka mulihken ka banta. Madinlah kita geluh bagi singena ate Dibata segelah ngaloken pemere Tuhan asangkan ukumenNa.